

## **Ehuhuo-Ozi Polu Dejenni Ndi Rom**

<sup>1</sup> Mmẹ wu Polu de ekukwo-ozini. M wu igbon Jizos' Kraisti. Osolobue kpo m, tumẹ m onye-ozu pu-ichen make Ozioma Osolobue.

<sup>2</sup> Oziomanị wu banyeni ihien hun Osolobue kwe nkwa a edei ime Ehuhuo-nsọ ghahani ndi-amuma a.

<sup>3</sup> Oziomanị wu banyeni Nwa a wu Jizosi Kraisti Di-nwonna-enyi—hun bia nọke ihian; ebon Defidi ke we mu a ye;

<sup>4</sup> Osolobue gi iken Mmon-nsọ a ghosizikwo n'ọ wu Nwa Osolobue ghahani igha onwun weli e.

<sup>5</sup> Make ufiri efan Osolobue, Osolobue e meguoni enyi efoma ghahani Nwa a ni wu Jesu Kristi Di-nwonna-enyi; o yegwozi enyi orun ndi-ozu pu-ichenni ghahan'a, keni enyi hun uzọ duhe ndi ali ndi ozọ ile wuleni ndi Ju d'e kwerin'e, humen'e isi;

<sup>6</sup> kezi unu le enwen unu, makeni we kpozikwo onu d'a wuru nke Jesu Kristi.

<sup>7</sup> M ri e dejenni ndi ile ri Osolobue obi hun ri Rom, ndi we kpo d'a wuru ndi-nsọ. Efoma le udon gha eka Osolobue Nedi enyi le Di-nwonna-enyi wu Jesu Kristi a bia ya rini unu.

### *Polu A Kpanmin Osolobue*

<sup>8</sup> Nke ibuzo, m ri a kpanmin Osolobue m ghahani Jesu Kristi make unu ile, makeni we ri e ku oku okukwe unu ime uwa ile.

<sup>9</sup> Osolobue, hun m gi obi m ile e fe ghahani izisonme ozioma Nwa a, wu osheri m ni m'a nyanhan unu oghen ile ime ekpere m.

<sup>10</sup> M gha e me ekpere, m'a riosonme Osolobue n'o beye ni m oghere ni m saeka bia nwan d'a hun onu—omeni uche e ro.

<sup>11</sup> Makeni unu ri a da m—makeni m cho ni m yebeye unu ngozi ime-mmom, keni unu zekenme.

<sup>12</sup> Mba, keni mme le unu hun uzog okukwe enyi gbatarị ibe enyi ume.

<sup>13</sup> Umune m, m cho ni unu marin n'o teke m choma ni m bia d'a hun unu. (Kani we eke ni m bia.) M ri a cho ni m bia, keni m gha ime unu kpohazini Osolobue ihian ke m don me ime ani ndi ozozu wuleni ndi Ju.

<sup>14</sup> M gi ihian ile ugwo: ke ndi wa-enya ke ndi waleni enya, ke ndi jen ulo-ehuhuo ke ndi jenlani—

<sup>15</sup> ya hain o gi a du m ni m bia d'e zizikwo unu ndi ri ime Rom' Ozioma.

### *Iken Ri Ime Ozioma*

<sup>16</sup> Ifenren ozioma ari e me m, makeni ya wu iken Osolobue gi a zuopuha onye owule kwerini, ndi Ju wu ibuzo, o son ndi wuleni ndi Ju.

<sup>17</sup> Makeni, ozioma ya nwe a ghosi ke Osolobue don e me ihian a wuru onye ri ke Osolobue cho: o me e ghahani okukwe onye ahun—gha mbidon d'e ru njendem. O nohu ke Euhuo-nsa don ku e, si, “Onye ri ke Chuku cho ghahani okukwe k'a ri ndun.”

### *Ikpe Hun Ma Ihian Ile*

18 Iwe-ḷe-ḡnṡma Osolobue a gha elu-igwee e huk-wasi njo ile ḷe ihien ile rileni mma hun ndi-eje e me, ndi hun gi eje-ihien we e me e gbondon ezioku.

19 Makeni, ihien ihian k'a saeka marin banyeni Osolobue we we enya, makeni Osolobue ḷe enwen e e meḡo n'o we we enya.

20 Makeni, kete Osolobue e keḷe uwa, ikentiḷe Osolobue ḷe ihien o gi wuru Osolobue a fuhachanringuo ifon. Oson'a ni ele we ihien we e legha enya, we e gi ihien ndi hun Osolobue ke a ghota we, a hun ke we no. Ya wu, o nwonna ihien ndi no erira k'e kin, dodo arikon we ya, kaka!

21 Makeni, oson'a ni a maringuo we Osolobue, eyeni we e mgbaye run'e, akpanmini w'a. Kama, iroro we a wuru ihien olal'iwu, uche we hun ghazileni a run a gbaguo ishi.

22 Ebe we ri e ro ni we marin ihien, e henrin we ndi-nzuzu;

23 hun nke w'e gi fe Osolobue hun ghaleni a nwun, ye e ogho run'e, e fesomme we ihien we kpu akpu—ke ndi no ke ihian hun a nwunni ke ndi no ke anu ri ichen-ichen, ke anu ndi nwe ukun-eno ke nnunu ke ihien ndi hun a rin!

24 Osolobue no gi ifiri eje-ihien ndi ahun ri a gun we ime obi la we toni imesonme ihien ru unyin—we ḷe ibe we no gi ehū we mesonme ihien-ifenren;

25 we no gi ntū nokin enya ezioku Osolobue, fesomme ihien Osolobue ke, a kpo ni we isi-ali hun nke w'e gi fe Osolobue hun wu Onye-okike hun richanrin mma jenrin ejen! Isee.

26 Ufiri onwan, Osolobue no la we toni egun ihien-ifenren, nke wu ni ikpoho we e gi ime-mgba ikpoho-

le-ikpoho ihian ghaleni e me, nokin enya ime-mgba ikennyẹ-le-ikpoho hun o me ni ya ke ihian e me.

<sup>27</sup> Erira ke ikennyẹ we gzikwo lato ime-mgba we le ikpoho hun ihian e me, egun ison ikennyẹ ibe we e me mgba hu a gungbu we: ikennyẹ le ikennyẹ ibe we hu e metari ihien ifenren—a narinzi kwọ afunfun furu eje-ihien we ri e me.

<sup>28</sup> Makeni ndini ju ni eyeko we Osolobue onodi we marin run'e, Osolobue no la we toni uche we ahun runi keni we mesonme ihien furuleni.

<sup>29</sup> Udi ihien ile jo-njo e jun ime we, ya le eje-omume, enya-uku, iwe, enya-ufu, igbu-ochu, ikpe, ndufie le ero; e henrin we ndi-oghela,

<sup>30</sup> ndi-nkuto, ndi ize Osolobue e ze; w'a kpari ihian, a pache, a nyan isi, e ropuhasonme eje-ihien rituleni, e nupu-isi okpuru ndi muni we.

<sup>31</sup> E nwe we uche, w'a ra gi we don enya, efo a joka we, w'a ra me ebere.

<sup>32</sup> A maringho we ni iwu Osolobue wu ni ndi hun e me udi ihien ndini k'a nwun, kani we huzi e me we—eledede ni we e me we suo, we huzi e ye ndi ozo ri e meni we ndu.

## Isi Nke Ebuo

### *Okinkin-ikpe Osolobue Zin-ezin*

<sup>1</sup> Ya wu, y'e nwonkwọ ihien i k'e kin—onye owule i wu! Makeni, ebe i no ma ndi ozo ikpe, i ri a mazikwo enwen i ikpe. Makeni, iju hun ri a ma we ikpe rizikwo e me ihien ndi hu i gi ri a ma we ikpe.

<sup>2</sup> Enyi a maringho ni Osolobue wu onye ezioku ebe o no ma ndi me udi ihien ndini we ikpe.

<sup>3</sup> Kani, iyu nwen, onye owule i wu, hun e mezi ihien ndi hu i gi a hangbu ndi ozo enen, i ro n'i k'a wanahin okinkin-ikpe Osolobue?

<sup>4</sup> Ra i ri e lelia oken efoma a le nkintin o ri a gba i le ndidi e? Y'a marin ni Osolobue ri e meni i efomani keni i hun uzọ roghari?

<sup>5</sup> Kani, ebe i n'a kpokin obi i, a ju ni y'e roghariko, i ri e kpontọ ni enwen i afunfun, e cheni afunfun, hun we jenko d'e ye i Uhuohin iwe-le-onuma, uhuohin hu Osolobue k'e gi han enen ahun zinrinni.

<sup>6</sup> Osolobue k'a ku onye owule ugwo ke onye-onye don run.

<sup>7</sup> Nke ndi hu e mesonme mma, makeni we ri a cho ogho le mgbaye le ndun nwonleni ogugu, Osolobue k'e we ndun itebite ye we.

<sup>8</sup> Kani, Osolobue k'e hu iwe-le-onuma a kpu ndi hun a cho nke-we nke-we, a ju ezioku, e son eje-ihien.

<sup>9</sup> Eje-ufu le nsongbu k'a rini onye owule hun e me eje-ihien, ndi Ju wu ibuzo, o son ndi wuleni ndi Ju.

<sup>10</sup> Kani Osolobue k'e we ogho le ikpen le udon ye ke we han hun e me ihien ri mma, ndi Ju wu ibuzo, o son ndi wuleni ndi Ju.

<sup>11</sup> Makeni Osolobue ara gbeyeni onye owule.

<sup>12</sup> Ndi wuleni ndi Ju enwon Iwu Mozizi; kani we me njo, a na we iwi, osun'a ni enwon we Iwu Mozizi. Ndi Ju nwon Iwu Mozizi; we me njo, e gi we Iwu Mozizi kin we ikpe, ma we ikpe.

<sup>13</sup> Makeni ele ndi a nu ihien Iwu ku ke Osolobue e kuni ohunma, kani, ndi e me ihien Iwu ku.

<sup>14</sup> Omeni ndi hu wuleni ndi Ju, hun nwonleni Iwu Mozizi, e gi omume we me ihien Iwu hu cho, e

nwegho we iwu ime obi we, osuon'a ni enwon we Iwu hu ke ndi Ju don nwe e.

<sup>15</sup> We ri e gi omume we a ghosi ni ihien Iwu cho a wuruole ihien we deye ime obi we. Ihori we hu a shia ni we eri: mgbe ndi hu iroro we a ma we ikpe, mgbe ndi hu o kuyeni we.

<sup>16</sup> Erira k'o jenko d'a ri Uhuohin ahun Osolobue k'e gi gi ihien zueri ime obi ihian kin ihian ikpe ghahani Jesu Kristi, noke ke Ozioma hun m ri e zi don ku e.

### *Ndi Ju Le Iwu Mozizi*

<sup>17</sup> Kani, i si ni i wu onye Ju; e gi Iwu Mozizi e don enya, a nyan isi ni egbata yule Osolobue a rika mma;

<sup>18</sup> a nyan isi ni y'a maringho uche Osolobue, marin ihien ka mma—n'e giguwo we Iwu Mozizi zun i;

<sup>19</sup> i si ni i wu onye e du ndi enya-ishi, n'i wu ukpe ndi ri ime ishi,

<sup>20</sup> ni i wu onye a dun ndi nzuzu odun le onye a kuzi umueka—n'i nwon amamihien le ezioku zu oke ime Iwu Mozizi. Ele ya?

<sup>21</sup> Ya wu, iyu hun a kuzi ndi ozo, i hu a kuzi enwen i? I hu a si, “Ezunle ohin.” Kani yu nwen, i hu e zun?

<sup>22</sup> I hu a si, “agherele;” Kani yu nwen, i hu a ghere? I hu a si, “Arualo mmom, ni eje-ihien ro.” Kani yu nwen, y'e jen unom mmom d'e zun ihien rin'a?

<sup>23</sup> Iyu hun gi Iwu Osolobue a nyan isi, i hu a dan ya wu Iwu— e gi e a fa Osolobue?

<sup>24</sup> Ehuho-nso si, “Ufiri unu ndi Ju ke ndi ali ndi ozo gi e kutu Osolobue.”

### *Ikwa-ugun Le Ife-Osolobue*

25 Ikwa-ugun a bangho erere—omeni i hu a gbaye Iwu Osolobue. Kani, omeni y'e nupu-isi okpuru Iwu hu, ya wu ni ugun i kwa elezi ugun nke-esi.

26 Ya wu, omeni ndi kwaleni ugun e me ihien Iwu ku, e weriko we we noko ndi kwa ugun—o suo n'a ni akwanni we?

27 Ya wu ni ndi kwaleni ugun nke ehụ, bu we hu e donme Iwu hu, k'a shiagbu unu eri—makeni onu a dan Iwu hu, osuon'a ni unu ke we detun'e, osuon'a ni unu a kwaguo ugun.

28 Makeni, ele ihien enya e legha ke ihian gi a wuru onye Ju; ezigbo ugun ele hun we kwa ehụ, w'e legha enya.

29 Mba. Kani, ezigbo onye Ju wu hun wu onye Ju ime obi; ezigbo ikwa-ugun wu hun we kwa ime obi—ihien ime-mmom le Mmom-nsoro, ele ihien ehụ le mkpuru-oku we dehu ime. Udi ihian no enina k'a narin ija-mma we aka Osolobue ele aka ihian ibe e.

## Isi Nke Eto

### *Ki Ndi Ju Gi Ka Ndi Ozọ Mma?*

1 Ki ndi Ju gi nwan ka ndi ali ndi ozọ mma? Elee erere ke ikwa-ugun banzi?

2 O bukekwo! Nke ibuzo wu ni Osolobue bu oku gha a onu puha che aka ndi Ju.

3 Kani, omeni o nwego ndi ri ime we wuleni ndi we gi e don enya, ni enyi gi ohun si ni Osolobue ele onye we e gi don enya?

4 Mba, kaka! Osolobue wukwo onye ezioku, o suon'a ni ihian ile wu ndi-ntu. O nohu ke Ekukwo-nsoro don ku e, si,  
“We k'a hun a

nị ihien i ku wụ ezioku;  
wẹ kin i ikpe, i k'e ri enen;  
ị han enen,

w'e k'a hun nị enen ị han wụ ezioku.”

<sup>5</sup> Kani, o mę nwan nị eje-omume ęnyi a ghoị ke Osolobue męhan onye ezi-omume, ki ęnyi e ku nwan? Nị ęnyi si nwan nị Osolobue mę njo omeni o ye ęnyi afunfun? (M ri e ku e hu ke ihian don e ku.)

<sup>6</sup> O nwonni k'o don me! Make ni, omeni Osolobue wu onye njo, nani k'o k'a don kin uwa ikpe?

<sup>7</sup> Kani, omeni ntụ m ke ezioku Osolobue gi a fuhachanrin ifon, e wehen'e ogho, ke w'a mazi ni m nwan ikpe ni m wu onye-njo?

<sup>8</sup> Ki ha in ęnyi gileni si, “Nị ęnyi mesonme nwan njo keni ihien ri mma hun uzọ a puha ifon”? (Ya ke ndi ri e kuto ni ęnyi si ni 'ya ke ęnyi e ku.) Wẹ furu ndi w'a ma ikpe.

### *Onwonni Onye Ri Ke Osolobue Cho*

<sup>9</sup> Ki mezi? ęnyi ndi Ju ka ndi hun wulen ndi Ju mma? Kaka akp'ohu! ęnyi e kuguo! a ni njo ri a ki ihian ile—ke ndi Ju ke ndi wulen ndi Ju.

<sup>10</sup> Eri ra ke Ehuho-nsọ don ku e, si,  
“O nwonni onye ri ke Osolobue don cho,  
o nwonden kaka akpu onye ohu;

<sup>11</sup> O nwonni onye a ghotani,  
o nwonni onye a cho Osolobue.

<sup>12</sup> Wẹ ile a kpahugo;  
wẹ ile e henringuo ihien-eti;  
o nwonni onye e me efoma,  
o nwonden kaka akpu onye ohu.

<sup>13</sup> Oku a gha wẹ ekpiri a puha ri ke  
ishin gha ili ri oghe a puha;



wę gi ire wę e dufie,  
 ędide agwọ ke

oku ri wę ugb'onu wu.

14 Ikpọ-yi le eje-oku jun wę onu.

15 Uku a keręka wę igbu-ochu.

16 Ebe owule wę jen,

wę le ntikpo le nsongbu wi.

17 Amarintudeni wę ihien ezigbo udon wu.

18 Egun Osolobue aride wę enya.”

19 Enyi a maringho ni ihienni ile Iwu ku, ni ndi ri okpuru Iwu k'o ri a gwa, keni onu owule gba nkintin, ken'o wezikwo ihian ile ri uwa ile enya ni wę ile jenkọ d'a kọ ni Osolobue ke wę jen.

20 Makeni, “O nwonni onye Osolobue k'e kuni ohunma makeni o n'e me ihien Iwu cho,” makeni Iwu ke wę gi e me ihian a marin ni ihian e meguo njo.

### *Ke Ihian A Don Ri Ke Chuku Cho*

21 Kani Osolobue a ghosiguo uzo ihian gi a ri ochan—bu ele ghahani Iwu Mozizi. Kani, ke ime Iwu Mozizi ke ime ihien ndi-amuma ku, Ehuho-nsọ a shiaguo eri ni ya wu uzo ke ihian gi a ri ochan.

22 Uzonu hun gha eka Osolobue bia, hun wę e gi ri ochan, wu ikwerini Jizos' Kraisti.

Onye owule kwerini, Osolobue e weri e n'o riguo ochan—o tuni onye wę wu. Makeni, o nwonni ihien ri ichen ime ihian ile, kaka,

23 makeni ihian ile e meguo njo, gha ime ogho Osolobue danfu.

24 Ya wu ni efoma *Osolobue* suo ke Osolobue gi nwan e kuni ihian ohunma—ihien-ofe ro. O me e ghahani igbarini wę ghahani Kraisti wu Jizosi.

<sup>25</sup> Makeni, Osolobue we Jesu ye, gi e henrin ejan we gi e wepu njo ihian le iwe-le-onuma Osolobue hun njo te k'e buheni ihian. Onwun Jesu nwun, ya wu edeke Jesu, ke Osolobue gi me e.

Okukwe ke we gi e nwehen ihienni Jesu me. Osolobue me onwan n'o gi ghosi ni ya le enwen e wu Osolobue wukwo onye ezi-omume—ndidi e k'o gi fepu njo ihian mesonme mbu enya—

<sup>26</sup> makeni o kwademe n'o k'e gi ogenni ghosi n'o wu onye ezioku, n'o nwonna onye o gbeyeni. Osolobue gi uzoni a ghosi ni 'ya le enwen e wu onye ezioku, n'o hughozikwo mma n'o nabanhan onye owule kwerini Jesu, kpọ onye hu onye ri ochan.

### *Osolobue Suo Me E, Ihian A S'eka Nyan Isi*

<sup>27</sup> Kini ke ihian e gizi nwan nyan isi? O nwonna, kaka akp'ohu! Makeni, ele orun le ugwo-orun ke we gi e me e; mba, okukwe le ihien-ofe we e ye onye kwerini ro—'ya hain ihien we e gi nyan isi gizileni ri a.

<sup>28</sup> Makeni, enyi gi e don ni ghahani okukwe ke Osolobue gi e kuni ihian ohunma, ele ime ihien Iwu cho.

<sup>29</sup> Makeni, Osolobue wu ohu suo. Ra Osolobue ndi Ju suo rode? Elezi nke ndi wuleni ndi Ju? Eghē, o wuzikwo nke ndi wuleni ndi Ju,

<sup>30</sup> ebe o me ni Osolobue wu ohu suo. Ya wu, o k'e gi ifiri okukwe nabanhan ndi Ju, kuni we ohunma, gizikwo ifiri okukwe nabanhan ndi ali ndi ozo, kuni we ohunma.

<sup>31</sup> Enyi ride nwan e gi oku okukweni a kagbu Iwu Mozizi ra? Mba, kaka; enyi ri e gide e a kwadon e.

## Isi Nke Ẹno

### *Ebrahim Lẹ Okukwe*

<sup>1</sup> Imẹ oku okukweni, kị ẹnyi k'e ku banyeni Ebrahim wu nedi ẹnyi nke anu-ẹhu? Nani k'o jẹn?

<sup>2</sup> Omeni ihien hun Ebrahim run ke Osolobue gi kun'ẹ ohunma, nke o nwon ihien o gi nyan isi, kani ele ebe Osolobue ri k'o k'a no nyan ya wu isi.

<sup>3</sup> Kị Ehuhuo-nsọ ku? O si, “Ebrahim' kweyeni Osolobue, Osolobue no gi ifiri e gun a yen'e, kpọ a onye ri ọchan.”

<sup>4</sup> Lee e nwan: onye run orun, a ku w'a ugwo-orun a. W'a ra si ni we “ye” e ihien-ofe, kama, w'a si ni ihien o run ro, ni we ku a ugwo-orun.

<sup>5</sup> Kani nke ndi hun gichanrin okukwe don ẹnya, ele orun, e kweyeni we Osolobue hun a si onye njo n'o riguo nwan ọchan, okweyeni we kweyeni Osolobue k'o gi e kuni we ohunma, a kpọ we ndi ri ọchan.

<sup>6</sup> Onwan wu ihien Defidi ri e ku ogen o gi ku oku ighoghọ hun rini onye hun Osolobue weri e n'o wu onye ri ọchan—bu o nwonni orun oma owule o run: o si,

<sup>7</sup> “Ngozi arikakwo ni  
ndi hun Osolobue gbaghari eje-ihien ndi we  
me,  
ndi hun o fichanpu njo we;

<sup>8</sup> ngozi arikakwo ni  
onye hun Di-nwonni-ẹnyi jenkoleni  
d'a gun ni njo a!”

<sup>9</sup> Onye nwe de nwan ngozi hu Defidi ku oku e?  
Ndi hun kwa ugun sọ ra ke ndi kwaleni ugun?

Enyi e kuguọ a ni ufiri okukwe Ebrahim ke Osolobue gi kpo a onye ri ke Osolobue cho.

<sup>10</sup> Elee onodi ke Osolobue node gun ihienni yen'e? Ebe o kwaguu ugun ra ebe o keleni kwa ugun? Ele k'o kwaguu ugun, kanj k'o keleni kwa.

<sup>11</sup> Osolobue no gi ikwa ugun ye e ahima, gi ghoji n'o ri-ochan, ya wu n'o rigule ochan ghahani okukwe k'o keleni kwa ugun—keni Ebrahim wuru nedi ndi ile kwerini kwaleni ugun; keni Osolobue gi ifiri okukwe we kpozikwo we ndi ri ochan.

<sup>12</sup> Ebrahim wuzikwo nedi ndi hun kwa ugun, ndi hun o me ni ele ni we kwa ugun suo, kama, we nwonzikwo udi okukwe ohu hu Ebrahim nedi-enyi nwon n'o d'a kwa ugun.

### *Okukwe Ke We Gi E Nwonhen Ihien Osolobue Kwe Nkwa A*

<sup>13</sup> Ogen Osolobue gi kwe Ebrahim' le umu a nkwa ni uwa k'a wu nke we, o kuni ni idonme Iwu ke Ebrahim mobu umu a e gi nwehen e, kama, ni igi okukwe henrin ndi ri ochan ke w'e gi nwehen e.

<sup>14</sup> Make ni, omeni ndi hun e donme Iwu ke Osolobue e ye ihien o kwe nkwa a, ya wu o nwonni ihien okukwe wu—nkwa Osolobue enwon ihien o wuzi;

<sup>15</sup> make ni iwe-le-onuma Osolobue ke Iwu e wehe we dan a; kanj ebe Iwu rileni, w'a ra dan iwu.

<sup>16</sup> Ya wu, okukwe ke we gha e nwehen ihien ahun Osolobue kwe nkwa a, keni nkwa hu hun uzo wuru ihien-ofe hun Osolobue e ye ndi ile wu umu Ebrahim'—ele ndi we ye Iwu suo, kanj ke we han nwe okukwe ke Ebrahim' don nwe.

Make ni Ebrahim' wu nedi ndi ile nwe okukwe,

17 (nọkẹ kẹ Ẽhụhụọ-nso dọn ku ẹ, si, “E meguo m’i wuru nedi ndi ani ri ichen-ichen bu oda.”) O wu nedi ẹnyi ihun Osolobue, onye hun o gi dọn ẹnya; Osolobue hu hun e me onye nwunni a rizi ndun, hun e gi oku-onu a e me ihien rituleni n’o ri.

18 Ebrahim' no kweri, kwerikenme, a tu ẹnya ni nkwa Osolobue jenkọ d'e me—osun'a n'o nwonni ihien ozo o kwondon aka. Ya k'o gi henrin “Nedi ndi ali ichen-ichen bu-oda,” nọkẹ kẹ Osolobue dọn gwa a mbu n'o k'a ri, si a, “Erii kẹ umu i k'e buhan oda.”

19 Okukwe Ebrahim ebeluani, osun'a n'o nyanhangho ni ehụ a anwunhinguole (makeni o wu ihien nọkẹ nwa ahua ogun-isen ogen hu), osun'a n'o nyanhanghozi ni Sara nwunye e wu agan;

20 o nini obi-ebu nu e d'a ru nkwa Osolobue uka; kama o zekenmede ime okukwe e, a ja Osolobue mma.

21 O kwerikenme ni Osolobue k'a s'eka me ihien Osolobue kwe nkwa a.

22 Ya haii Osolobue gi “gun a yen'e, kpọ a onye ri ochan.”

23 Ele Ebrahim suo kẹ we de ni oku hu, ni, “We no gun a yen'e.”

24 Kani, we dezikwo ni ẹnyi nwen ya; makeni we jenkọ d'a gun a yeni ẹnyi ni ẹnyi a riguo ochan—ẹnyi ndi hun kwerini Osolobue, Onye ahun gha onwun weli Di-nwonni-ẹnyi wu Jesu.

25 Osolobue gi ifiri njo ẹnyi we Jesu ye n'o nwun, gizi ifiri ẹnyi gha onwun weli e—keni Osolobue hun uzo kuni ẹnyi ohunma.

## Isi Nke Isen

*Enyi Le Osolobue E Dongo Nwan!*

1 Ebe o mę nwan nị Osolobue e giguọ ifiri okukwe ęnyi kuni ęnyi ọhunma, ya wu nị ęnyi le Osolobue e dọguọ ghahani Di-nwonn-ęnyi wu Jesu Kristi—

2 onye hun Osolobue gha eka a gi ifiri okukwe ęnyi webanhan ęnyi ime onodin o mę efoma ye ęnyi, efomanị hun ęnyi wuzo nwan ime e.

Ęnyi ri nwan a nan make ni ęnyi nwon olil'ęnya nị ęnyi jenkọ d'a banye ọgho Osolobue!

3 Ęnyi a nanzikwo a nan ime nsongbu ndi hun a bisonmeni ęnyi, makeni ęnyi a maringho nị nsongbu e wehe ndidi;

4 nị idisonme ndidi e mę ihian a gunsonme agungun ri mma; nị igunsonme agungun ri mma e buhe olil'ęnya—

5 bu olil'ęnyani ekpuyeko ęnyi, makeni Osolobue nwe ihien-osisuọ jenni ęnyi oda-oda —o huguọ ihien-osisuọ o nwe ebe ęnyi ri ye ime obi ęnyi ghahani Mmon-nso a o ye ęnyi.

6 Make ni, oge n o gi richanrin mkpa, oge hu ndun gileni ri ęnyi, Kraisti no nwun nị ęnyi ndi njo onwun.

7 O fuka ọrun nị ihian k'e gide ifiri onye ri mma nwun onwun—o suokwo n'a nị, ikenkwo, ihian k'e ri-eka rikin obi, gi ifiri onye rikeme mma nwun onwun.

8 Kani Osolobue a ghosiguọ ęnyi ke o nwehan ihien-osisuọ ęnyi. Nani k'o don mę e? Ebe ęnyi rikwo ime njo, ya ke Kraisti no nwunni ęnyi onwun!

9 Ebe o mę nwan nị Osolobue e giguọ ifiri onwun Jesu nwun, ya wu, ifiri edeke e, kuni ęnyi ọhunma, ęnyi jenkọ nwan d'a wanahinchanrin iwe-le-onuma Osolobue ghahani 'ya wu Jesu.

10 Makeni, omeni ogen enyi gi wu ndi-inenren Osolobue, o gi onwun Nwa a donzi egbata enyi le ya, ya wu ni, hunni enyi le iya donguu, o k'e gi ndun Nwa a me enyi wanahinchanrin!

11 Elede ohun suo, kani, enyi huzi a nan ime Osolobue ghahani Di-nwonni-enyi wu Jizos' Kraisti, onye hun Osolobue ghaguu nwan aka a donzi egbata enyi le Osolobue.

### *Adam' Le Kraisti*

12 Ya wu, ke njo don gha aka okenye ohu wu Adam' banhan ime uwa, njo no wehe onwun, erirazi ke onwun don ru ihian ile aka makeni ihian ile me njo.

13 Eghee, njo ri ime uwa ni we d'e ye Iwu Mozizi; kani, ebe iwu rileni, w'a ra si ihian "Lee njo i me."

14 Kani, o suokwo n'a ni o ri erira, onwun hukwo a kichanrin ihian ile, gha ogen Adam d'e ru ogen Mozizi—ke ndi hun danleni iwu owule Osolobue kpo efan ke Adam don dan iwu Osolobue kpo efan.

Adam wuchanrin ihien we e leri enya a kowa onye hu keleni bia ogen hu—hun wu Kraisti.

15 Kani, we ebuo ele ohu. Ihien Osolobue ye ofe anoni ke njo Adam. Onwun ke njo okenye ohu hu wu Adam' buheni ndi bu oda. Kani, Osolobue gha efoma okenye ohu hu wu Jesu Kristi me meni ndi bu oda ohunma, ye we ihien-ofe—ele onwun.

16 Ozozu, ihien Osolobue ye ofe anoni ke ikpe-omuma hun njo okenye ohu hu wu Adam' buhe. Makeni, okinkin-ikpe ke we gi son akpu njo ohu, we no ma ihian ikpe. Kani Osolobue gi ihien-ofe son njo bu oda ihian mesonme, kun'e ohunma.

17 Omeni ifiri njo okennyẹ ohu ahun wu Adam' me ke onwun gi ghaha eka a kima, kini k'e me ndi nabanhan oken-efoma Osolobue le ihien-ofe o ye hun wu iri-ochan? Ya wu ni we k'e nwon ndun, elezi onwun—we k'a ri ndun, ki hun we kpọ okiki—ghahani okennyẹ ohu hu wu Jesu Kristi.

18 Ya wu, ke akpu njo ohu hu Adam me don buheni ihian ile ikpe-omuma, erira ke akpu ihien ri mma ohu Kraisti me don nwan e me Osolobue e kuni ihian ohunma, e we ndun e ye e.

19 Make ni, eka ohu hu ndi bu oda gi henrin ndi njo make ni okennyẹ ohu hu wu Adam nupu isi, ya ke Osolobue siko nwan d'e gi me ndi bu oda wuru ndi ri ochan ebe Osolobue ri make ni okennyẹ ohu hu wu Jizos' hume isi.

20 Iwu Mozizi rubanhan d'e me ni ihian danwaye iwu, gi e marinwaye ke we mehan ndi-njo. Kani ebe ime-njo no ba uba, ebeku ke efoma Osolobue no bakaride uba—

21 keni o hun uzọ me ni erira njo don gi onwun ki ke efoma Osolobue k'a don nwan gi ikuni ihian ohunma le ikpo we ndi ri k'o cho ki—gi erira me ihian nwehen ndun-itẹbite ghahani Di-nwonn-enyi wu Jizos' Kraisti.

## Isi Nke Isin

### *Nwunnahin Njo, N'i Rini Osolobue Ndun*

1 Ki enyi k'e ku nwan? Ni enyi mesonme nwan njo keni efoma *Osolobue* hun uzọ a bawaye uba?

2 Mba nu! Nani ke enyi, hun nwunnahinguu njo e don to ime njo e bi?



<sup>3</sup> Ra unu amarin ni ndi ile we bugu che ime Jesu Kristi ghahani ime we mirin-Chuku, ni e bugo we we che ime onwun Jesu Kristi nwun?

<sup>4</sup> Ya wu, e gigo we mirin-Chuku we me enyi ligbama enyi le Jesu, gi e me enyi wuru ndi son e nwun, keni enyi nwen hun uzo lihi, bimezikwo ndun ohun, rike ke we don gha onwun weli Jesu ghahani iken ahun Nedi enyi wu *Osolobue* gi nwe ogho.

<sup>5</sup> Ebe o me ni enyi le ya a wuguo ohu enina ghahani onwun a, enyi le iya k'a wuzikwo ohu ghahani igba onwun lihi k'o don gha onwun lihi,

<sup>6</sup> make ni enyi a maringho ni ya le onye hun enyi te wu ke we kpogbu enu-obe hu, keni we hun uzo nafu eje-ihian ahun enyi te wu iken, amamgbe njo gha a kizi enyi ke igbon.

<sup>7</sup> (Make ni onye hun nwunhunni a wanahinguo njo, njo e nwonzi iken ebe o ri.)

<sup>8</sup> O me nwan ni enyi e songuo Kraisti nwunhun, enyi kweri ni enyi k'e sonzikwo a rizi ndun—

<sup>9</sup> make ni enyi a maringho ni hunni Kraisti ghaguu onwun lihi, o nwunkozi; onwun enwezi iken ebe o ri.

<sup>10</sup> Make ni, onwun o nwun, njo k'o nwunnahin; mgbe ohuni suo k'o nwun, o nwunkozi. Ndun o ri e bi kikenni, Osolobue k'o ri e bi n'e.

<sup>11</sup> Erirazikwo, unu le enwen onu k'e weririri enwen onu noke ndi nwunnahinguu njo le ndi no ime Kraisti wu Jizosi a ri ni Osolobue ndun.

<sup>12</sup> Ya wu, anikwole ni nwan njo a ki ehụ unu, e me unu a gbaye eje-ihien ndi hun a gunsomme ehụ unu;

<sup>13</sup> ewekwole ni mkpamkpa-ehụ onu yeme njo n'o gi henrin ihien-orun o gi e me eje-ihien. Ka wechanrin ni enwen onu ye Osolobue noke ndi

hụn wẹ ghagụ ọnwun weli hụn rị ndun; ọnu e wechanrịn mkpamkpa-ẹhụ ọnu ile ye Osolobue nọke ihien-ọrun o gi e me ihien o cho.

<sup>14</sup> Njọ akiko unu—makeni unu arizi e bi okpuru iwu kani okpuru efoma Osolobue ke unu rị e bi.

### *Ndi-kwerini Wu Igbon Iri-ochan*

<sup>15</sup> Ki enyi e mezi nwan? Ni enyi mesonme nwan njọ makeni okpuru efoma Osolobue ke enyi rị elezi okpuru Iwu? Kaka akp'ohu!

<sup>16</sup> Unu amarin ni onye unu hatu enwen unu yeni ni ya ke unu a gbaye, iya ke unu wu igbon e? Omeni njọ ro, ohun k'e buhe onwun; omeni ihume-isi ro, ohun k'e me unu wuru ndi ri ochan.

<sup>17</sup> Kani, ekele ya rini Osolobue, ni, o suokwo n'a ni unu te wu igbon njọ, unu e giguon nwan obi unu ile gbaye ihien ri nkuzi hu unu nwonhen;

<sup>18</sup> a gbapuhaguu we unu eka njọ, unu no henrin igbon iri-ochan.

<sup>19</sup> (M ri e ku e hu ke ihian e ku ken'o ni unu ghoha.) Eka ohu hu unu gi we mkpamkpa-ehụ unu ye ihien-uru le eje-obibi nọke igbon—hun unu te gi ri e bi eje-obibi, e biwaye, gizi ni nwan eka ohu hu we mkpamkpa-ehụ unu ye ezi-omume, keni unu ri nsọ.

<sup>20</sup> Ogen hu unu gi wu igbon njọ, onwonni ugwo owule unu gi ezi-omume hun unu e gi gbaye e.

<sup>21</sup> Elee erere ke unu nwonhen ime ihien ndi hu unu e me ogen ahun—hun ri nwan e me unu ifenren? Onwun, ya ke ihien ndi hu buhe!

<sup>22</sup> Kani, hunni o me nwan ni Osolobue a gbafuhaguo unu ime njọ, unu e henrin igbon Os-

olobue, erere unu e nwehen wu ni unu ri a ri nsọ. Ihiẹn onwan k'e buhe wu ndun itebite.

<sup>23</sup> Makeni, ugwo-orun njo wu onwun, kani, ihiẹn Osolobue e ye ofe wu ndun itebite hun ri ime Jesu Kristi Di-nwonna-enyi.

## Isi Nke Eṣa

### *Ihiẹn Wẹ Gi Olulu Di-le-nwunye Kowa*

<sup>1</sup> Umune m, unu amarin ni ebe ihian ri ndun suo ke Iwu no a ki a? (A maringho m ni m ri e de ni ndi marin Iwu.)

<sup>2</sup> Ya k'o gi meni okpoho nwon di k'a luriri di e hu, kasi a me ni di e ahun hu ndun. Kani, di e nwunhun, iwu di-le-nwunye egizi e.

<sup>3</sup> Ya wu, omeni ya le okennyẹ ozo a suoma mobu luma bu di e hukwo ndun, we k'a kpo a onye zo-uku-ye-ofia; kani omeni di e a nwunhinguo, iwu hu egizi e. O luma okennyẹ ozo, o zoni uku ye ofia.

<sup>4</sup> Umune m, erira k'o rizi ni unu. Makeni unu wu mkpamkpa-ehu hu Kraisti gi nwunhun, unu le iya gba nwunhun; ya wu, unu a nwunnahinguo Iwu Mozizi, keni we hun uzo we unu ye onye ozo luru, onye hu Osolobue gha onwun weli, keni enyi banni Osolobue erere, min'a mkpuru.

<sup>5</sup> Makeni, ogen hu enwen enyi gi ri a ki enyi, eje-ihien ndi ahun Iwu kpotiensonme ri orun ime mkpamkpa-ehu enyi, a runpuha ihiẹn onwun gi e gbu.

<sup>6</sup> Kani, enyi e nweringuo nwan enwen enyi, enyi arizi okpuru Iwu Mozizi, makeni enyi a nwunguo—nwunnahin ihiẹn hun te gi enyi mbu, keni enyi hun uzo gi uzo ohun ahun Mmon-nsọ a ki feme

Osolobue, eḷezi ụzọ akan, ụzọ ahụn Iwu hụ wẹ de e de a kị.

### *Iwu Lẹ Njọ*

<sup>7</sup> Kịni kẹ ẹni k'e kuzi nwan? Nị ẹni sị nwan nị Iwu Mozizi wụ njọ? Mba nụ! Makeni, emeni eḷe Iwu, m'e ke marin ihien njọ wụ. Omeni Iwu asini, “Anile ihien owule na i enya,” m'e ke marin ihien o wụ nị ihien a la ihian enya.

<sup>8</sup> Kanị njọ nọ hụn ihien ahun Iwu ku tudon, gi e kpotienchanrin ihien olila-enya rị ichen-ichen ime m. Ya wuni, omeni eḷe Iwu, njọ wụ ihien nwunni.

<sup>9</sup> M te hụ ndun kẹ iwu keleni biani m; kanị, ogen ihien hụ Iwu ku gi bia, njọ nọ tulua—

<sup>10</sup> m nọ nwunhun. Iwu hun nke e ye ndun nọ weheni m onwun!

<sup>11</sup> Njọ nọ hụn ihien ahun Iwu ku tudon, gi e dufie m, gi e gbu m.

<sup>12</sup> Ya wụ, Iwu lẹ enwen e rị nsọ; ihien hụ Iwu ku rizi kwọ nsọ, rị mma enya Osolobue, rị mma nke-esi.

<sup>13</sup> Ya wụ nị ihien hun rị mma buheni m onwun? Kaka akp'ohu! Njọ ya me e. O nọ puhachanrin ifon nị njọ wụ njọ—makeni o gi ihien rị mma buheni m onwun. Ya wụ, e giguọ wẹ ihien hụ Iwu ku ghosi kẹ njọ nọ—nị njọ a jọka njọ.

### *Ndun Ari Ihian*

<sup>14</sup> Enyi a maringhọ nị Iwu wụ ihien ime-mmọn, kanị mme nwen wụ ihian-mmaka hun nwonleni Mmon-nsọ—hun njọ rị a kichanrin kẹ igbon o non enon.

<sup>15</sup> M'a ra ghotā ihien m rị e me. Makeni, m'a ra me ihien m cho nị m me, kama, ihien hun e ze m ize, ya kẹ m'e me.

16 Ebe o mę nwan nị ihien hụn m chọleni nị m mę ke m'e mę, ya e mę m e kweri nị Iwu hụ rị mma nke-esi.

17 Ya wu nwan nị ẹlezi mme rị e mę ẹ, kani, njo hụn rị ime m rị e mę ẹ.

18 Make ni, a maringho m n'o nwonna kaka akpu ihien ohu rị mma hụn rị ime m, ya wu ime mme wu ihian-mmaka. Make ni, m'a cho nị m mę ihien rị mma, kani, m'a ra saeka mę ẹ.

19 M'a ra mę mma hụn m cho nị m mę, kani eje-ihien hụ hụn m chọleni nị m mę ke m'e mesonme.

20 O mę nwan nị m'e mesonme ihien m chọleni, ya wu nị ẹlezi mme rị e mę ẹ—njo hụn rị ime m rị e mę ẹ.

21 Ya wu, a hunguọ m'a nwan n'o nwe iwu rị orun ime m, a ki m, hụn o gi e mę ni m cho nị m mę mma, eje-ihien suo ke m'a sa eka e mę.

22 Ezie, Iwu Osolobue a suo m asuo, a suoru m akpakali obi.

23 Kani, a hụn m iwu ichen rị orun ime ehụ m, a luso Iwu ahun rị m mma ogun; iwu ichen ahun rị a kini m e mę m a gbaye njo hụn rị mkpamkpa ehụ m a run.

24 Euu, uya e gbuę m! Onye k'a gba puha m eka ehụ nị rị e buheni m onwun?!

25 Ekele ya rini Osolobue n'o jenk'e mę ẹ ghahani Di-nwonna-enyi wu Jesu Kristi!

Ya wu, o mę uche m, m wu igbon Iwu Osolobue; kani, make njo hụn rị ime m, m wu igbon njo.

## Isi Nke Ɛsato

*Ndun Mmon-nsọ Rị A Kị*

<sup>1</sup> Ya wu, o nwonni ikpe-omuma owule ri ni ndi hun ri ime Kraisti wu Jizosi.

<sup>2</sup> Makeni, iken iwu ahun Mmon-nsọ gi a ki, e ye ndun, hun ri ime Jesu Kristi, a gbapuhaguo enyi aka iken iwu ahun njo gi a ki e buhe onwun.

<sup>3</sup> Makeni Osolobue e meguo nwan ihien hu Iwu Mozizi saleni aka me, hun Iwu saleni aka me makeni iken arị ime ihian. Osolobue e meguo a ghahani igi ifiri njo zihę Nwa a n'ọ wuru ihian nọke enyi ndi-njo, ọ nozi nwan ma njo ri ime ihian ikpe ghahani ima ya wu Nwa a ikpe.

<sup>4</sup> Osolobue me onwan keni ihien ndi ahun ri Osolobue mma enya hun Iwu cho hun uzọ mezu ime enyi ndi hun rizileni e bi ke ihian-mmaka, kanị ke Mmon-nsọ don cho.

<sup>5</sup> Ndi hun ri e bi ke ihian-mmaka e ro iroro ke ihian-mmaka, e me ke ihian-mmaka; kanị ndi hun e bi ke Mmon-nsọ don cho e ro iroro ke Mmon-nsọ, e me ihien Mmon-nsọ cho.

<sup>6</sup> Iro-iroro le ime ihien ke ihian-mmaka e buhe onwun, kanị, iro-iroro le ime ihien ke Mmon-nsọ don cho e ye ndun le udon.

<sup>7</sup> Makeni, onye hun e ro ke ihian-mmaka ara kweyeni Osolobue kaka, ara gbaye Iwu Osolobue; ezie, ọ sako aka gbaye e.

<sup>8</sup> Ndi hun e bi ke ihian-mmaka a saaka me efo suo Osolobue usuo.

<sup>9</sup> Kanị, nke unu nwen, unu a ri e bi ke ihian-mmaka. Mmon-nsọ ya ri a ki unu—omeni ezie ro ni Mmon Osolobue ri ime unu. Bu, onye owule nwonleni Mmon Kraisti ele nke Kraisti.

<sup>10</sup> Kanị, omeni Kraisti ri ime unu, ezie ro ni ehụ unu a nwunguo make njo, kanị mmon unu ri ndun

makeni unu e henringwo ndi ri ke Osolobue cho.

<sup>11</sup> Omeni Mmon onye hun gha onwun weli Kraisti bi ime unu, onye hun gha onwun weli Kraisti, me n'o rizi ndun, siko d'e mezikwo ni ehụ unu hun a nwunni ri ndun—ghahani Mmon a hun bi ime ndun unu.

<sup>12</sup> Umune m, ya wu nwan ni o nweni ugwo enyi gi ihian-mmaka ahun enyi te wu hun enyi e gi bi k'o cho.

<sup>13</sup> Makeni, unu bime ke ihian-mmaka, unu k'a nwunriri. Kani, unu ghaha Mmon-nsọ gbupu eje-ihien ndi hun ehụ e me, unu k'a ri ndun.

<sup>14</sup> Makeni ke we han Mmon Osolobue ri e du, uwe wu umu Osolobue.

<sup>15</sup> Makeni mmon hun Osolobue ye unu ele nke igbon, hun unu e gi tumazi egun, kani Osolobue ye unu mmon hun o gi munrun unu, Mmon ahun e me enyi a hi Osolobue, “Baba! Baba Nedi m!”

<sup>16</sup> Mmon-nsọ le enwen e a shia eri, a gwa mmon enyi ni enyi wu umu Osolobue nke-esi.

<sup>17</sup> O me nwan ni enyi wu umu, ya wu ni enyi wu ndi ihien nedi we k'e ru eka, ndi ihien nedi enyi wu Osolobue k'e ru eka—ndi we le Kraisti gba nwe ihien Osolobue, omeni enyi e son Kraisti ta afunfun a, keni ogho a hun uzọ ruzikwo enyi eka.

### *Ogho Hun Lalani Ni Enyi*

<sup>18</sup> E gigho m'a don ni afunfun enyi ri a ta ogeni enwon ihien o wu ebe ogho ahun jenkọ d'a biani enyi ri.

<sup>19</sup> Oghoni hain ihien ile Osolobue ke gi nwan e che, e chekenme, ni Osolobue ghosi ndi wu umu a.

<sup>20</sup> Makeni Osolobue bu ihien ile o ke eke toni uya; eleni ihien we ke eke cho n'o ri ime uya, kani,

makeni Osolobue hun bu e toni uya cho n'o ri erira, makeni o nwegho ihien o bu obi:

<sup>21</sup> o bu obi ni omegu, o wepuhazikwo ihien ndi ozo ile o ke ime egbun we ri, amamgbe we ghazi e rehi, e son we umu Osolobue weri enwen we, son we nwerin ogho.

<sup>22</sup> Makeni enyi a maringho ni ihien ile Osolobue ke hu a sun uden noke okpoho ime ri e me—d'e rukwo ogenni.

<sup>23</sup> Elede ihien-okike suo ri a sun uden; enyi nwen hun nwonhengude Mmon-nsọ hun wu ihien ibuzo Osolobue gi a ghosi ni ogho ahun ile lalachanrin, enyi huzikwo nwan a sun uden, ke enyi don ri e che ni Osolobue murunchanrin enyi, n'o wepuha ehun enyi ime uya, gi e henrin hun ghaleni e rehi.

<sup>24</sup> Ihienni enyi ri e lee enya a ke Osolobue gi ifiri e zuofuha enyi. Enyi e ke nwehen e, nke enyi a tubehi enya a—makeni ilee-enya ihien, bu y'a hunguo a, elezi olil'enya. Onye ime enyi a hunguu ihien e lemezi enya a?

<sup>25</sup> Kani, emeni enyi e ke hun ihien enyi ri e lee enya a, enyi e gi ndidi e che e.

### *Eyemeka Mmon-nsọ*

<sup>26</sup> Mmon-nsọ huzikwo e yeni enyi aka ebe o meni enyi e zuni oke.

Enyi amarin ihien enyi k'a rio ime ekpere, kani Mmon-nsọ le enwen e gi isun-uden a riodonni enyi ebe Osolobue ri; o gi isun-uden ahun e ku ihien onu ghaleni a saaka e ku.

<sup>27</sup> Osolobue hun e legha obi enyi marin ihien Mmon-nsọ ri a rio, makeni Mmon-nsọ a riodon ni ndi-nsọ ke Osolobue don cho.



28 ̄nyi a maringhọ ni Osolobue e gi ihien ile le onodi ile a run, a runpuhani ndi ahun ihien e a suo ihien ri mma, ndi ahun o kpo make ihien cho n'o me.

29 Osolobue a maringuole we mbu-mbu n'o d'a kpo we. O maringuu we, o no hoto we n'o jenko d'e me we ni we ri ke Nwa a, keni Nwa a wuru nwa-ibuzo ime umu bu oda.

30 Ndin o hoto k'o kpo; o kpo guu we, o no kuni we ohunma, ya o no nwan we ogho ye we.

### *Ihien-osisuo Osolobue Nwe Hun Ri Ime Jesu Kristi*

31 Ebe o me ni ihien ndini no enina, ke eni k'e ku nwan? O me nwan ni Osolobue ri azuun nke eni, onye k'a saeka nu eni ogun?

32 Omeni Osolobue anoni Nwa a ye azuun, kama, o gi ifiri eni ile we e ye, o yechanriko eni ihien ndi ozo ile—cheni Nwa a?

33 Onye k'a sa nwan aka ma ndi hun Osolobue hori ikpe—ebe o me ni Osolobue le enwen e ri e kuni we ohunma?

34 Onye k'a ma we nwan ikpe—ebe o me ni Jesu Kristi ri nwan aka-nni Osolobue a riodonni eni!? Jesu Kristi hun nwunhuni; elede onwun suo k'o nwun, kama, Osolobue ghazide onwun weli e.

35 Onye k'a sa nwan aka wepu eni ime ihien-osisuo Kraisti nwe ebe eni ri? Ni nsongbu saeka me e? Ra afunfun? Ra ukpokpo; ra unwun le egun; ra ahunni ekwa je; ra eje-onodi; ra opra-agma we gi e gbu ihian hun

36 Ekukwo-nsọ gi si,

“Ifiri i

ke onwun gi a kpo eni ihun ogen ile;

wę e mę ęnyi kę atunrun  
wę dukọ d'e gbu.”

<sup>37</sup> Mba nų, o nwọnni hun k'a sa-ęka!! Imę ihien ndini ile, ęnyi wų ndi-mmęri ka ndi-mmęri ile, ghanani onyę ahun nwe ihien-ọsusuọ ęnyi!

<sup>38</sup> Makeni, o wegụọ m ęnya ni kę ọnwun kę ndun, kę ndi mmon-ozị kę eje-mmon ndi ri a kini, kę ihien ri ogęnni kę ihien ri ihun, kę ikęn ile rinị;

<sup>39</sup> kę ihien jęn elu kę ihien mi mgbugbu, kę ihien ọzọ ọwulę wę ke eke—o nwọnni hun k'a saęka wefu ęnyi imę ihien-ọsusuọ Osolobue nwe ebe ęnyi ri, ihien-ọsusuọ a hun ri imę Kraisti wų Jizosi Dinwọnni-ęnyi!

## Isi Nke Itenei

### *Osolobue Le Ndi-Izrelu*

<sup>1</sup> M ri e ku ezioku id'ęnya Kraisti, ari m a tu ntu—ihori m ri a ghoni m idęnya Mmon-nsọ ni ari m a tu ntu, ni

<sup>2</sup> okęn ękwan jun m obi, ni ogęn ile kę obi gizikwo a cho n'ọ gbawapu m

<sup>3</sup> ebe m n'e ro ndi ali m! Nke ọ ri m ni Osolobue bu m onu—wepude m imę Kraisti—omeni ohun kę wę e gi nwon nzuopuha.

<sup>4</sup> M ri e ku oku ndi Izrelu: uwe kę Osolobue gi henrin umu; uwe k'ọ ghosi ogho a; uwe k'o ye nkwerigbama ahun o kwademe; uwe k'o ye Iwu hu; uwe k'o tumeni ofufe hu ri imę Iwu; uwe nwehen nkwa ndi hu Osolobue kwe;

<sup>5</sup> Ebrahim le ndi-nedi mbu hu wę marin amarin wų ndi nke wę; ebon wę kę wę muye Kraisti rike ihian—Kraisti, hun wų Osolobue hun ihian ile le

ihien ile ri okpuru e, hun richanrin mma jenin ejen! Isee.

<sup>6</sup> Eleni ihien oku Osolobue ku banyeni ndi Izrelu a ghazini. Mba. Make ni, ele ndi Izrelu ile wu ndi Izrelu nke-esi.

<sup>7</sup> Elezikwo ndi ile gha ehụ Ebrahim pūha wu umu a nke-esi, make ni, Osolobue si Ebrahim, “Eka Aziki ke umu we jenko d'a kpo umu i k'a gha bia.”

<sup>8</sup> Onwan ghosi ni ele umu we mu ke ihian don a mu nwa wu umu Osolobue, kanị, umu we mu ghahani nkwa hu Osolobue kwe, uwe ke we a gunye ni we wu umu nke-esi.

<sup>9</sup> Make ni, ogen Osolobue gi kwe ya wu nkwa, ihien o ku wu: “Mgbeni akan-ile, m k'e kinhen, Sara a mu okennyē.”

<sup>10</sup> Elede ohun suo. Make ni, ogen Ribeka gi ri ime ejime, nedi ohu ke we nwon, hun wu Aziki nedi enyi;

<sup>11</sup> kanị, ni we d'a mu we, ke we keleni me ihien owule—ke mma ke njo—Osolobue no gwa Ribeka oku, igi ghosi ni omeni Osolobue cho n'o me ihien, o gi eka a a hori ihian, a kpo a—

<sup>12</sup> ni ele ihien we run k'o gi a hori we. Ihien Osolobue gwa Ribeka wu, “Hun kanị siko d'e fe hun-nta.”

<sup>13</sup> O rihu ke we don de e ime Ehuhuo-nsọ, si, “M nwe ihien-osusuọ jenni Jekopu; kanị, enwen m ihien-osusuọ jenni Iso.”

<sup>14</sup> Ni enyi si nwan n'o nwon onye Osolobue e gbeyeni? Mba, kaka!

<sup>15</sup> Make ni o si Mozizi, “Onye owule m cho ni m me omiken e ke m k'e me omiken e; onye owule m cho ni m me ebere e ke m k'e me ebere e.”

16 Ya wu ele ihien ihian cho mobu ihien ihian run ke we gi e me e, kanị omiken Osolobue suo.

17 Ime Ehuho-nsọ, Osolobue si eze ali Ijptu wu Fero, “M tume i eze keni m gi i ghosi iken m, keni m gizikwo a me efan m ghagbari uwa ile.”

18 Ya wu nwan ni onye owule Osolobue cho n'o me omiken e ke o me omiken e, kanị ndi o cho ni we gba isi-akwanran, o mezikwo we gba isi-akwanran.

### *Iwe-le-onuma Osolobue Le Omiken E*

19 Kanị unu k'a si m, “Omeni enina k'o me, ki haizị Chuku gi a koriani enyi wu ihian? Onye gbondontu uche Chuku?”

20 Kanị, iyu wu ihian-mmaka, onye k'i wude nwan i gi a shiagwari Osolobue? Ni ihien we kpu akpu juma onye kpun'a, “Ki haizị gi kpu m enina?”

21 Ele okpu-ite nwe ku ihien o k'e gi okpukpu-urua kpu? O nwe iken igi e kpu ite we gi e me ihien-oghọ, o nwezikwo iken gi ya wu okpukpu-urua kpu ite we gi e gbu ani.

22 Kini ri a omeni Osolobue gi oken ndidi son ndi hun o kwademegu u toni ntikpo, keni o ghosi iwele-onuma a, mezikwo ihian marin iken e?

23 Kini ri a, omeni o me e keni o we oken ogho a ghosi ndi o cho n'o me ni omiken, ndi o kwademeto n'o k'e ye ogho,

24 ya wu enyi, ndi ahun o kpo—hun o me ni ele ime ndi Ju suo k'o gha kpori enyi kanị ke ime ndi Ju ke ime ndi wuleni ndi Ju.

25 Onwan k'o ku ime Ekukwo-nsọ, ime ehuhuo Hozia, si,

“Ndi wuleni ndi nke m  
ke m k'a kpo 'Ndi nke m.'”

Alì hụ te rìlèni m obi kẹ m k'a kpọ  
 'alì hụ rì m obi.'

<sup>26</sup> Ebe ohu ahun wẹ nọ sị wẹ,  
 'Unu ẹlẹ ndi nke m'  
 kẹ wẹ k'a nọzi kpọ wẹ  
 'umu Osolobue ahun rì ndun.' ”

<sup>27</sup> Nke ndi Izrelu, Azaya gi wẹ yi oro, si,  
 “Osuon'a ni ndi Izrelu buhan oda  
 kẹ ẹjan rì mkpenren iyi,  
 ndi k'e nwon nzuofuha ime wẹ ebuko oda,

<sup>28</sup> make ni,

Di-nwonni-enyi sikọ d'e yekenrin ndi alì hụ afunfun  
 hụ o ku,  
 ye wẹ ya ru alì!”

<sup>29</sup> Eriira kẹ ya wu Azaya kuzikwo mbu, si,

“Omèni Osolobue Hun-nwon-iken-ile e te menì  
 ni wẹ gbuhodu ni enyi umu, nke enyi a riguo kẹ  
 Sodom, nke enyi a nọ kẹ Gomora.”

<sup>30</sup> Kẹ enyi k'e kuzi nwan? Ni ndi wulenì ndi Ju,  
 hun te rileni a cho kẹ w'a don rì ochan, a riguo nwan  
 ochan—iri-ochan wẹ gi okukwe nwehen;

<sup>31</sup> bu ndi Izrelu, hun rì a lu ni wẹ gi idonme Iwu  
 rì ochan, asani ẹka rì ochan.

<sup>32</sup> Ki hain wẹ gileni sa ẹka? Make ni egini wẹ  
 okukwe chu a, kama, wẹ me ẹ kẹ sị ihien wẹ run  
 kẹ w'e gi rì ochan—ya wẹ nọ kpogburu “omuma-  
 mkpogburu ahun,” kpogburu—

<sup>33</sup> rike kẹ wẹ don de ẹ ime Ekukwo-nsọ, si,  
 “Lee enya,

e butoguo m omuma ime Zayonu

hun k'e me ihian kpogburu;

nkume hun k'e me wẹ dan.

Kani,

o kpuyekọ ndi kwerini n'ẹ."

## Isi Nke Iri

### *Ekpere Pọlu E Meni Ndi Izrelu*

<sup>1</sup> Umunẹ m, ihien hun a gun m egun le ihien m'a riọ Osolobue ime ekpere n'o meni ndi ali m wu ni we nwe nzuopuha.

<sup>2</sup> M k'a saeka shia ni we eri ni ihien Osolobue a du we adu, kanj, amamihien arja.

<sup>3</sup> Makeni, ifiri ni amarin we uzọ ahun Osolobue gi e me ihian a ri ochan bu we hu a nwan ni we me e uzọ nke we, eweni we enwen we che uzọ hu Osolobue gi e me ihian a wuru onye ri ochan.

<sup>4</sup> Makeni Kraisti wu isi-njendeme Iwu, keni onye owule hun kwerini hun uzọ henrin onye ri ochan ghahani ikwerini Kraisti.

### *Onye Kweri, O Wanahin*

<sup>5</sup> Nke iri-ochan ghahani idonme Iwu, lee ihien Mozizi de banyen'e: "Onye owule hun e donme ihien ndini Iwu ku wu onye k'e gi we ri ndun\*."

<sup>6</sup> Kanj, nke iri-ochan ghahani okukwe, ihien Ekukwo-nsọ ku wu, "Ajukwole ni enwen unu ke 'Onye k'e jen nwan elu-igwee?' (Ya wu, keni o d'e wehe Kraisti)

<sup>7</sup> mọbu 'Onye k'e jen nwan anj-mmọn' (ya wu, keni o d'a gha ime onwun weli Kraisti.)"

<sup>8</sup> K'o si ihian me? O si, "Oku Osolobue ri unu nsue—o ri unu ugb'onu, ri unu ime obi." Elee oku ro? Oku-okukweni enyi ri e kusonme:

---

\* **Isi Nke Iri:5** Livitikosj 18.5

<sup>9</sup> nị, i gi ọnu i ku ẹ nị Jesu wu Di-nwonn-i, y'e kweri ime obi i nị Osolobue gha onwun weli ẹ, i k'e nwon nzuopuha.

<sup>10</sup> Makeni, ihian gi obi ẹ kweri, o wuru onye ri ochan; o gi ọnu a ku ẹ n'o kwerigho, Osolobue a zuopuha a.

<sup>11</sup> Makeni, Ehuhuo-nsọ si, “O kpuyeko onye owule kwerini n'e.”

<sup>12</sup> Makeni ẹka ohu ke Osolobue gi e son onye owule, ke ndi Ju ke ndi wuleni ndi Ju. Nna ohu ahun wu Nna ihian ile. O hu ngozi ẹ e kpu onye owule kpokun'e, e hukpu we ya oda-oda.

<sup>13</sup> Makeni Ehuhuo-nsọ si, “Onye owule kpoku efan Onye-nwonn-enyi k'e nwon nzuopuha.”

<sup>14</sup> Kani, nani ke w'a don kpoku onye we keleni kweri ni? Nani ke w'a don kweri ni onye we keleni nutu banyeni? Nani ke w'a don nu banyen'e omeni o nweni onye zi we ozi banyen'e?

<sup>15</sup> Nani ke w'a don zi ya wu ozi omeni e zipuni we ndi-ozid'e zi ya wu ozi? Ya ke Ehuhuo-nsọ gi si ni “Obibia ndi-ozid'e hun e wehe ozioma a rika mma, ijen we a rika mma.”

<sup>16</sup> Kani, ele ihian ile kweri ozioma. Azaya le enwen ẹ si, “Di-nwonn-enyi, onye kweri ozi enyi zi?”

<sup>17</sup> Ya wu, ihien ihian nu k'o gi e nwe okukwe; ihien w'a nu nwehen okukwe wu ozi banyeni Kraisti.

<sup>18</sup> Kani, m ri a ju ke ndi Izrelu anuni ya wu ozi? Ezie, a nugo w'a. O rihu ke Ehuhuo-nsọ don ku, si, “Olu we a puole, o ruole uwa ile; ihien we ri e ku e ruguo njendemu uwa.”

19 M rizi nwan a ju ke ndi Izrelu aghotani? Nke ibuzo, Mozizi le enwen ku ni Osolobue si,  
 “M k'e gi ndi nwonleni ihien we wu,  
     me enya fuma unu ufu;  
 m k'e gi ani ndi nzuzu  
     kpasu unu iwe.”

20 Azaya no rikin obi kude hunni Osolobue ku,  
 ni,  
 “Ndi rileni a cho m,  
     uwe hun m;  
 e we m enwen m ghosi  
     ndi ghaleni a ju ukwere m.”

21 Nke ndi Izrelu, Azaya ku ni Osolobue si, “M shiafu aka m ke uhuhon han keni m nabanhan ndi nnupu-isini, ndi isi-ikenni.”

## Isi Nke Mmanai

### *Omiken Osolobue Gi E Son Ndi Izrelu*

1 Ni m ju nwan ajuju, “Osolobue a ju guo ndi nke e wu ndi Izrelu?” Mba, kaka! Make ni, mme le enwen m wuzikwo onye Izrelu, nwa Ebrahim, onye ikpun-ulo Benjamini.

2 Osolobue ajuni ndi nke e, hun o hoto gha isi mbidon lala!

Unu anyanhanni ihien Ehuho-nsa ku ebegu Elaija no ri e kpe ndi Izrelu aka Osolobue? Ke Elaija don si,

3 “Di-nwonni-enyi, e gbuchanringo we ndi-amuma i, tikpopusonme ebe ndi w'a no a chuyen'i ejan. Mme suo hodu, bu we ri nwan a cho ni we gbu m!”

4 Kani, kini ke Osolobue za a? Osolobue si a, “E butogu ni m enwen m madu nnu-uku esa (madu



ogun-iri kwasi nnu-mmesa) hun gbutuleni ni mmon Baa osekpụ.”

<sup>5</sup> Eriira k'ọ rikwo nwan; o nwonghozi ndi buleni oda hoduni hun Osolobue gi efoma a hoto.

<sup>6</sup> O me nwan ni efoma k'o gi me e, ya wu elezi ifiri orun ihian run—nke o me ni efoma elezi efoma.

<sup>7</sup> Kini me nwan? Ndi Izrelu ahunni ihien we ri a lugbu enwen we, a cho; kanị ndi ahun buleni oda Osolobue hori suo wu ndi hunn'a—Osolobue a kpokin obi ndi hoduni,

<sup>8</sup> rike ke Ekwowo-nsọ don ku, si,  
 “Osolobue no me we amarinzile  
 ihien we ri e me;  
 me enya we eleghale ụzọ;  
 me ntin we anule ihien—  
 d'e rukwo nwan tanni.”

<sup>9</sup> Defidi si,  
 “Ihien-oriri we ya wuru onyan,  
 onyan we gi nwundon we,  
 ya wuru omuma hun e me we a kpoqburu;  
 ya wuru ihien we gi megwari we.

<sup>10</sup> Enya ya kpu we ishi,  
 amangbe w'e legha ụzọ;  
 we hietọ jenrin ejen!”

<sup>11</sup> A ju m nwan ajuju: ke ndi Ju kpoqburu, we dangungwon adangungwon? Mba, kaka! Kama, makeni we me njo, nzuofuha a biaguoni ndi ali ndi ozo, keni enya fuma uwe wu ndi Ju.

<sup>12</sup> O me nwan ni njo ndi Ju, ndi Izrelu, weheni uwa eregede ihien ri mma—ni edan we dan weheni ndi wuleni ndi Ju eregede ihien ri mma, ihien ka oda apuhako ogen we gi wekinhen we, ogen nke we e gi richanrin mma?

### *Kę Nzuopuha ndi Wuleni Ndi Ju Ri*

13 M ri nwan a gwa unu ndi wuleni ndi Ju. Ebe o me ni m wu onye-ozu pu-ichen Osolobue ebe ndi wuleni ndi Ju ri, m'e mekenme oku orun m,

14 ikenkwọ ni m saeka gi uzoni me enya fikenme ndi ali m, keni m s'eka zuopuhade ndi hu ime we.

15 Makeni, omeni iju we togbọ ke uwa le Osolobue gi don, kini ke inabanhanni we k'e wehe nwan? O meko igha onwun rizi ndun?!

16 Omeni hun we bu uzọ beri ye Osolobue hugho nso, ya wu ni ogbe bredi we gha beri e rizikwo nso; omeni mkpogun osisi ri nso, agala ndi rin'a huzikwo nso.

17 Omeni we kwapusonme agala olivu we kun akun, we unu wu agala olivu-ofia cheni ndi hoduni d'e son we ri erere ri olivu hu,

18 elenjakwole ni agala ndi hu mobu nyanma ni we isi. Kani, unu nyanma isi, nyanhankwo ni ni ele unu bu mkpogun osisi ahun, mkpogun ya bu unu.

19 Kani i k'a si, "Eghee, ifiri m ke we gi kwapu agala ndi ahun nu, keni o beyeni m uzọ."

20 Ezioku ro. Kani, we kwapu we makeni ekwerini we, bu unu nwen we buche ebuche ri ebegu makeni unu kweri ekweri. Ka egikwole n'e pacheme, kama, gikwo ni egun e bi!

21 Makeni, omeni Osolobue ahatuni ndi Ju hun wu ezigbo agala osisi hu, o hatukokwo unu-o!

22 Ebeni ke enyi no hun efoma Osolobue le eka-iken e: o gi eka-iken e son ndi hun danpuni; kani, o gi efoma e son unu ndi kwerini—kasi a me ni unu nodihukwo ime efoma a. Kani, omeni unu anodisonmeni, o siko d'a kwapuzikwo unu nwen.

23 Nke ndi Ju hu we kwapu makeni ekwerini we, we kweri, Osolobue k'e we we che osisi hu—makeni o k'e ri-eka me e.

24 Omeni Osolobue gha osisi olivu-ofia kwari unu, me ihien we ghaleni e me, we unu che olivu we kun akun, ya wu n'o k'a kade Osolobue nfe iwekinzi agalaba ndi we kwapu che osisi hun we gha kwafu we.

*Omiken Suo Ke Osolobue Gi A Zuofuha Ihian*

25 Umune m, m cho ni unu marin eziokuni mini, ghota a ohunma—amangbe unu gha e ro ni unu a rika mma, pacheme. Ndi hu ime ndi Izrelu a wuruguo nwan ndi isi-akwanran; kani Izrelu agbasomeko isi-akwanran jenin ejen—o k'a toruhu ogen ndi wuleni ndi Ju hun k'a bia d'e kunrun Osolobue k'e gi zu onu.

26 Erirazikwo, ndi Izrelu ile jenkwo nwan d'e nwon nzuopuha, noke ke Ehuhuo-nsu don ku, si,  
“Onye-nzuopuha k'a gha obodo Zayonu bia;  
o k'e wepu njo ime igunrun umu Jekopu.”

27 “Onwan wu nkwerigbama hun k'a ri egbata mme le we,  
ogen m k'e gi wefu njo we.”

28 Ebe ozioma ri, ndi Ju wu ndi inenren Osolobue make unu. Kani, o me nke ohori, ndi ihien we a suo Osolobue ke we wu—make ndi nedi we kani hun o hori.

29 Makeni Osolobue ara gbeshuto obi e banyeni oyiye o ye le oku o kpo.

30 K'o don me ni unu ndi hun te wu ndi nnupu-isi okpuru Osolobue e nwonhenguwo nwan omiken aka Osolobue makeni ndi Ju nupu isi,

<sup>31</sup> ẹrira k'o donzi me ni we nwen a wuruguo nwan ndi nnupu-isi, keni omiken Osolobue me ni unu wuru uzo we e gi nwonhenzikwo omiken aka Osolobue.

<sup>32</sup> Make ni, Osolobue a gunguo ihian ile ye ndi nnupu-isi, keni o hun uzo me ni ihian ile omiken.

### *Ija-mma Ya Rini Osolobue!*

<sup>33</sup> Euu! Osolobue e mekenmeke odafin!  
Amamihi en e le ako-le-uche e  
e mike!

W'a ra saeka ghota iroro o tu!

W'a ra saeka ghota ke o me!

<sup>34</sup> Make ni Ehuhuo-nsọ si,  
“Onye marin uche Di-nwonna-enyi?  
Onye a dun a odun?”

<sup>35</sup> Onye yetu e ihien owule,  
hun o gi kukin e ya?”

<sup>36</sup> Eghẹ! Make ni, ihien ile gha aka a bia; ihien ile  
a ri ghanan'a; ihien ile a rizi kwọ n'a.  
Ojija-mma ya rin'a jennin ejen! Isee.

## **Isi Nke Mmēbuo**

### *Obibi Furu Ndi E Fee Osolobue*

<sup>1</sup> Umune m, m gi nwan ifiri omiken Osolobue meni enyi a rio unu, we ni ehụ unu ye Osolobue nọke ejan ri ndun we chuyen'e, ejan ri nsọ, ejan hun a sọọ n'a—onwan wu ezigbo ofufe hun furu unu k'e fe.

<sup>2</sup> Akirinle ni obibi uwanị, kama, ni ni Osolobue gbanwon unu ghanani igbehutochanrin iroro unu. Me n'e keni unu hun uzo marin ihien wu uche

Osolobue, hūn rị Osolobue mma, hūn a sūọ a ụsūọ, hūn zu oke.

<sup>3</sup> Ghahani oyiye Osolobue gi efoma ye m, m si onye owule ime unu: ewerile enwen i kari ke i han, ka donrin enya lele enwen i, ni marin ke Osolobue yehani okukwe, ohun k'a gwa i ke i han, gwa i ihien i k'a kpo enwen i.

<sup>4</sup> Ke onye-onye ime enyi don nwe ehụ ohu hūn nwe mkpamkpa-ehū bu oda bu mkpamkpa ndi hū ile a ra run ihien ohu,

<sup>5</sup> erira k'o rị ime Kraisti. Enyi ndi rị ime Kraisti bu oda, kani, enyi ile wu ehū ohu. Onye-onye rị ime ehū Kraisti hū wu nke ndi ozo ile.

<sup>6</sup> Enyi nwesonme oyiye rị ichen-ichen ke Osolobue don yesonme enyi. Omēni oyiye ihian wu izi ozi Osolobue si a zi le ibu-amuma, y'a me e ke okukwe e han.

<sup>7</sup> Omēni oyiye ijen-oziri ro, ya jenne ozi; omēni nkuzi ro, ya kuzime nkuzi;

<sup>8</sup> omēni igi oku-Chuku a kpotiēn obi ihian ro, ya memē e; omēni iyeni ndi nwonlēni eka ro, y'a ha eka ohunma-ohunma; omēni okiki ro, ya runshi iken; omēni ime omiken ro, ya gi ighoghō e me e.

### *Ihien-osusuo*

<sup>9</sup> E nweni ihien-osusuo gha akpakali obi puha. Izize eje-ihien ya e ze onu; e kwonkenme ni ihien ri mma.

<sup>10</sup> Ihien ibe onu ya suoma unu oda-oda nọke umune; e ye ni ibe unu ogho kari enwen unu.

<sup>11</sup> Anikwole ni adudu unu benua, ka e zekenne ni ime-mmōn, a runni Di-nwonni-enyi orun.

12 A ghoghọ nị make olil'anya unu nwon; e nwon ni ndidi ime nsongbu unu; wuru nị ndi we gi e don enya ebe ime-ekpere ri.

13 E son ni ibe unu e yeni ndi nke Osolobue ihien ri a ko aka. A nabanhan nị ndi-obia.

14 A gozi ni ndi ri e kpokpo ni unu; a gozi ni, abukwole ni onu.

15 Son ni ndi ri a ghoghoni ghoghọ, unu e son ndi ri a kwanni kwan.

16 E gi ni obi ohu e bi. Apachekwole ni, ajukwole ni ison ndi onodi we lua ali a kpa mabu irun onun ndi lua ani w'a kporia. Erole ni nị unu ka ndi ozo mkpa a ri.

17 Emegwarikwole ni onye owule eje-ihien. Donrin ni enya a hun a nị unu e me ihien k'a ri ihian ile mma enya.

18 Lili makenme nị y'e me ihien ile furu n'i me hun udon e gi ri egbata 'yu le onye owule.

19 Ndi onu m, e megwarile ni; ka la nị mmegwari to nị Osolobue, makeni Ekukwo-nsọ si, "Di-nwonni-enyi si, 'Mme k'e megwari; mme k'a kikin.' "

20 Kama, "Omeni egun ri a gun enenren i, y'e ye e ihien-oriri; omeni egun ihien-orira ri a gun a, y'e ye e ihien o k'a ra. Makeni i gha e me e, i ri a buo ikeke-okun a buoye e isi\*."

21 Anile eje-ihien meri i, ka gi ihien-oma meri eje-ihien.

## Isi Nke Mmeto

### *Ihume Ni Ndi-okiki Isi*

\* **Isi Nke Mmēbuo:20** mabu: ...ifenren e megbu e.

<sup>1</sup> Ihian ile wę humę ni ndi-okiki isi. Makęni, o nwonni okiki rini hun Osolobue tumeleni. Osolobue ya tume okiki ile rini.

<sup>2</sup> Ya wu, onye owule nupu ni ndi-okiki isi ri e nupu isi okpuru ihien Osolobue tume. Ndi e me erira ri e weheni enwen we afunfun.

<sup>3</sup> Makęni, egun ndi ri a kini ara tu ndi e me ihien ri mma—ndi e me eje-ihien ke egun w'a tu. Y'a chogho nwan ni egun onye ri a kini tubehi i? Meme nwan ihien ri mma. O k'a ja i mma.

<sup>4</sup> Makęni odibo Osolobue k'o wu—o n'a run orun make orinimma i. Kani, i me eje-ihien, egun e ya tumakwo i, makęni o pia hu o bu o gi e ye afunfun, o bukwo'n'a mmaka! Odibo Osolobue k'o wu, iya ke Osolobue gi e ye ndi e me eje-ihien afunfun.

<sup>5</sup> Ya wu, ihume ni ndi okiki isi ri mkpa. Ele make we gha e ye i afunfun suo, kama, make obi i ghazikwo a ma i ikpe.

<sup>6</sup> Ya hainzikwo unu gi a ku ugwo-isi: makęni ndi ri a kini wu ndi-idibo Osolobue hun e gichanrin ogen we ile a ki.

<sup>7</sup> Ku ni nwan onye owule ihien unu gi e: omęni ugwo-isi ke i gi, y'a ku ugwo-isi; omęni eghe-ali mọbu eghe ndi ozọ w'a na rọ, y'a ku a; omęni mgbaye ke i gi we, y'e ye we mgbaye; omęni ogho rọ, y'e ye we ogho.

### *Ugwọ Enyi Gi Ihian Ile*

<sup>8</sup> Eghę, kupu ni onye owule ugwo unu gi we—mmani ihien-osusuo, w'a ra gibehi ugwo ihien-osusuo. Makęni, onye owule nwe ihien-osusuo ibe e mezugwo Iwu.

9 Ihię ndi hu Iwu ku: “Agherele; egbule ochu, ezule ohin; anile ihię owule la i ęnya” le ihię ozọ owule Iwu ku ke we wegbama ime iwuni hun si, “Ihię ibe i ya sọ i ke ihię enwen i don a sọ i.”

10 Onye nwe ihię-osusuo ihian asaeka me e eje-ihien; ya wu nwan ni onye nwe ihię-osusuo ibe e e mezuguo Iwu.

### *Obibi Ndi Ri Ime Ukpe*

11 E bi ni nwan enina makeni unu a maringuo ogen ęnyi ri ime e: ni ogen e ruguo unu e gi gha uran tenhin, makeni ogen nzuofuha ęnyi a riguo nsue kari k'o ri oruru-ali hu ęnyi gi kweri.

12 O teguo ohii gba; eki e d'e fon. Ni ęnyi mebehi ni nwan ihię ndi ahun wu ihię ishi, ęnyi e yiri ewuru-agma ndi wu nke ukpe gi a lu ogun.

13 Ni ęnyi e bi ni ohunma ke ndi ri e bi ogen eki gi ri enu. ęnyi esonko ni we e jen eje-mmemme mobu a ra manya a tu; ęnyi aghereko ni mobu bime eje-obibi; ęnyi emeko ni ndi ikpe mobu ndi ęnya-ufu.

14 Kama, yiri ni Di-nwonna-ęnyi wu Jesu Kristi nọke ewuru; erozile ni ke unu a don me eje-ihien ndi hun a gun ehụ unu egun.

## **Isi Nke Mmęto**

### *Amale Ni Ibe Unu Ikpe*

1 A nabanhan ni onye kweri ni Jesu hun okukwe e keleni ze, kani, elekwọ hun unu e gi e son e hu a do ihię onye kweri le ihię o kwerileni:

2 O nwe ndi kweri ni ihian furu n'o ri ihię ile, kani onye hun okukwe e zeleni e ri mkp'ehuhuo sọ.



<sup>3</sup> Onye hụn e ri ihien ile y'e leliale onye ghaleni e ri ihien ile; onye hụn a so nsọ ya amale onye hụn e ri ihien ile ikpe, make ni Osolobue a nabanhanguo a.

<sup>4</sup> Onye k'i wu i gi a ma odibo onye ozọ ikpe? Nna a k'e ku k'o turughọ k'o turuni. Kanị o k'e turu, make ni Di-nwonna-enyi k'a saeka me n'o turu.

<sup>5</sup> Onye ohu weri e ni uhuhuhin ohu ka nsọ a ri kari uhuhuhin ndi ozọ; kanị onye ozọ weri e ni uhuhuhin ile wu ohu. Onye-onye ya kwonkenme hụn we e enya.

<sup>6</sup> Onye hụn weri e ni uhuhuhin ohu ka mkpa gi ifiri Di-nwonna-enyi e me erira. Onye hụn e ri ihien ile gi ifiri Di-nwonna-enyi e ri, make ni o ye Osolobue ekele make ihien-oriri hu. Onye hụn a soni gi ifiri Di-nwonna-enyi a so—e ye Osolobue ekele.

<sup>7</sup> O nwonna onye owule ri ime enyi hụn ri ni enwen sọ ndun; o nwonzikwoni onye owule hụn a nwunni enwen e sọ.

<sup>8</sup> Omeni enyi ri ndun, enyi ri ni Onye-nwonna-enyi ndun; omeni enyi a nwunhun, enyi nwunni Onye-nwonna-enyi. Ya wu, osuon'a ni enyi ri ndun mobu ni enyi nwun a nwun, enyi wu nke Onye-nwonna-enyi.

<sup>9</sup> Onwan hain Kraisti gi nwun, nwunguu, rizi ndun: keni o hụn uzọ wuru Nna ndi ri ndun le ndi nwunni.

<sup>10</sup> Iyü nwen, ki hain nwan i gi a ma nwene i ime Kraisti ikpe? Ki hain i gi e lelia nwene-i-ime-Kraisti? Enyi ile k'e turu ihun Osolobue n'o kin enyi ikpe.

<sup>11</sup> Make ni Ehuhuo-nsọ si,  
 “Di-nwonna-enyi si,  
 ‘Ebe o me ezie ni m ri ndun,  
 onye owule k'e sekpu ni m;

onụ ile k'e ku ẹ nị mme wụ Osolobue!' ”

<sup>12</sup> Ya wụ nwan nị, onye ọwụle ime ẹnyi siko d'a kọnị Osolobue k'o dọn bi.

### *Emekwọle Ni Ibe Unu Dan*

<sup>13</sup> Ya wụ, nị ẹnyi mabehi ni nwan ibe ẹnyi ikpe. Kama, nị ẹnyi kwademe obi ẹnyi nị ẹnyi ebutokoni nwene ẹnyi ime Kraịstị omuma kpogburu mọbu bu uke che n'ẹ.

<sup>14</sup> Rịke onye nke Di-nwonnị-ẹnyi wụ Jesu, o we m ẹnya ọhụnma-ọhụnma n'o nwonnị ihien-oriri ọwụle rịleni ọchan; kanị omeni ihian e weri ihien-oriri ọwụle n'ọ ru aru, ya wụ nị ọ ru aru ebe onye hu rị.

<sup>15</sup> O me nwan ni ihien y'e ri rị e ye nwene i nsongbu, ya wụ nị y'a rizi e gi ihien-ọsusuọ e bi. Egikwọle ihien-oriri y'e ri tikpo onye Kraịstị nwunni onwun!

<sup>16</sup> Kpanchanpukwo ẹnya, amangbe ihian a kpo ihien-oma i eje-efan.

<sup>17</sup> Makeni Ali-eze Osolobue ele ihien-oriri le ihien-orira, kanị obibi Chuku cho, udon le ighoghọ hun Mmon-nsọ e ye.

<sup>18</sup> Onye ọwụle rị e gi uzoni e fe Kraịstị, ihien onye hu a suọ Osolobue usuọ, ndi ọzo e kuzi oku ẹ ọhụnma.

<sup>19</sup> Nị ẹnyi liliima nwan e mesonme ihien ndi hun e wehe udon le hun ẹnyi e gi e me ibe ẹnyi a gha ihun ime okukwe.

<sup>20</sup> Egikwọle ifiri ihien-oriri tikpo orun Osolobue. Ezioku-ezioku, o nwonnị ihien-oriri runi, kanị eje-ihien k'ọ wụ nị ihian e ri ihien ọwụle k'e me onye ọzo dan.

21 O ka mma ni y'e erini anu mọbu ra manya mọbu me ihien ozo owule hun k'e me nwenen i ime Kraisti dan.

22 Ya wu, ihien owule i kwere banyeni ihien ndini, ya ri egbata 'yu le Osolobue. Ngozi wu nke ndi ahun ghaleni e gi ihien we kwere n'ọ hughọ mma a ma enwen we ikpe.

23 Kani, omeni ihian gi obi-ebuọ e ri ihien o ri e ri, ikpe a maguọ a, makeni o rini e gi okukwe e ri e—makeni ihien owule ihian me bu ele okukwe k'o gi me e wu njo.

## Isi Nke Mmisen

### *A Chozikwo Ni Orinimma Ndi Ozo*

1 O furu ni enyi ndi zeni ime okukwe e di ndi zeleni ebe we noleni me ohunma, ele ime ihien a suo ni enyi.

2 Ni enyi e me ni ihien a suo ibe enyi hun k'a rini we mma, keni enyi hun uzọ enyi e gi me we sue ime okukwe.

3 Makeni Kraisti emedeni k'o suo ya le enwen e; kama, o mehu ke Ekukwo-nsọ don ku, ebenu we de, si,

“Mkpari hu we kpari i,  
mmẹ gi isi buru e.”

4 We de ihien ile we deye ime Ehuhuo-nsọ keni we gi e kuzi enyi, keni enyi hun uzọ gi umẹ hun Ekukwo-nsọ a gba enyi lezi idin-ndidi wuru ndi nwon olile-enya.

5 Osolobue hun e ye ndidi le nkasi-obi, ya yeni onu eka e gi obi ohu e bi—k'o furu ime Kraisti wu Jizosi,

6 keni onu ile hun uzo gi olu ohu e weheni Osolobue hun wu Nedi Di-nwonna-enyi wu Jizosi Kraisti ogho.

### *A Nabanhan Ni Ihian Ile*

7 A nabanhan ni nwan ibe onu ke Kraisti don nabanhan unu, keni unu hun uzo e weheni Osolobue ogho.

8 Makei Kraisti bia d'a runni ndi Ju keni o ghosi ni Osolobue wu onye ezioku, ghahani imezu nkwa Osolobue kwe ndi nedi we kani;

9 o biazikwo ken'o me ndi ali ndi ozo wuleni ndi Ju ja Osolobue mma make omiken Osolobue. Eriira ke we don de e ime Ehuho-nsa, si,

“Make ufiri e, m k'a ja i mma ebe ndi ali ndi ozo wuleni ndi Ju ri; m k'a bu ni efan i ebu ija-mma.”

10 O sizi, “Ndi ali ndi ozo hun wuleni ndi Ju, son ni ndi nke Osolobue ghoghoho.”

11 O sizi, “Ani ndi ozo ile wuleni ndi Ju, ja ni Di-nwonna-enyi mma; ali ile, buni n'a ebu ija-mma.”

12 Osolobue gizi Azaya si, “Mkpogun Jese k'a puha—Onye ahun hun jenko d'e lihi, kima ndi ali ile; iya ke ndi wuleni ndi Ju k'e gi don enya.”

13 Osolobue, onye hun olile-enya gha eka a abia, ya gi ighoghoho le udon ile gbajun unu ke unu don ri e gi e e don enya. Y'a me e, keni unu nwe olile-enya, nwe e oda-oda, ghahani iken Mmon-nsa.

### *Iken Polu Gi E De*

14 Umune m, o wegwo m enya ni mma-mma jun ime unu, ni amamihi en jun ime unu, ni unu k'a sazikwo eka kuzi ibe unu.

15 Kani, o nwegho ihien ndi m ku ndun-ndun ime ehuhuo-ozini, keni m nyanhanzini unu we. M'e kushi iken make eka Osolobue hun ri ime ndun m,

16 hun o gi tumo m onye a runni Kraisti' wu Jizosi ime igunrun ndi ali ndi ozo wuleni ndi Ju. M ri nwan a run ke onye nchu-ejan ghahani izisonme ozioma Osolobue. M ri a run keni ndi ani ndi ozo hun uzo wuru ihien we ye Osolobue hun Osolobue a nabanhan, oyiye Mmon-nso don nsu.

17 Ya wu, o furu nwan ni m'a nyan isi banyeni ihien Jizos' Kraisti gi m run ime ihien Osolobue.

18 Ekukode m ihien owule kari ihien Kraisti gi m run ime igunrun ndi ali ndi ozo wuleni ndi Ju, hun o gi me we wuru ndi e hume ni Osolobue isi. O gi oku-onu m le ihien m run me e,

19 le iken o gi ihien-ahima le orun-atumanya kpa, lezi ghahani iken Mmon nke Osolobue—nke wu ni e zichanringuo m ozioma Kraisti ghakwori Jerusalem d'e ru Ilairikom.

20 Ihien m'a chokenme wu ni m'e zi ozioma ebe we keleni nutu efan Kraisti, amangbe m'a tunyezi ebe onye ozo tunmaguu.

21 Kama, m ri e me n'o ri ke Ehuhuo-nsu don ku, ni,

“Ndi we gwatuleni banyen'e k'a hun;  
ndi nutuleni banyen'e k'a ghota.”

### *Polu A Tu Iroto Ijen Rom*

22 Ifiri e ke m gileni sa eka bia d'a hun unu ogen ile m gi cho ni m bia.

23 Kani, hunni o me nwan n'o nwezini ebe hoduni m k'a no run orun azuunni ile bu o mepuguo ahua ole-le-ole m choma ni m bia d'a hun unu,

24 a kwademeguṛo m ni m k'a bja m jenkoni Speni. M bu e obi ni m k'a banhan d'a hun unu m jenkoni, keni unu ye ni m eka m jenkoni ebegu—mme le unu nogu ekeru.

25 Kani, m jenkoni nwan Jerusalem kiken ni d'e yeni ndi nke Osolobu ru ebegu eka.

26 Makeni ndi kwerini risonme Azuun Masedia le Akaya e wepuhaguobi, shiapu efu tuni ndi igbenye ru ime ndi nke Osolobu ru Jerusalem ihien.

27 Uwe gi uche we me ihien ni. Ezioku-ezioku, o furugho, makeni we gi ndi kwerini ru Jerusalem uguo. Makeni, omeni ndi wuleni ndi Ju e songu uwe wu ndi Ju keru ngozi ime-mmou we, o furu ni ndi wuleni ndi Ju gizu ihien unani we nwe yeni we eka.

28 M rungu ogboni, wegu ihien ile we tu ye we, m k'e jen Speni; m jenkoni a banhan m d'a hun unu.

29 Ogen m'e gi bja d'a hun unu, a maringho m ni m k'e gichanru ngozi Kraisti bja.

### *Polu A Rio We Ekpere*

30 Umune m, m ru e gi efan Di-nwonna-nyu wu Jizos' Kraisti le ifiri ihien-osusu gha eka Mmonso bja hun nyu nwe jenni ibe nyu a ru unu ni unu son m mekenme ekpere, unu a rukenme ni m Osolobu.

31 A ru n'a n'o gbapuha m eka ndi kwerileni hun ru ime ali Judia; a ruon'a ni ndi nke Osolobu ru ime obodo Jerusalem nabanhan ihien m jenkoni ebegu d'e meni we,

<sup>32</sup> keni m gi ighoghò bia d'e kunrun unu, omeni Osolobue a choghò, e sòn m unu nodiguu—gi e zu iken, ndun a banzi m.

<sup>33</sup> Osolobue, onye hun e ye udon, ya noyeni unu ile. Ise.

## Isi Nke Mmisin

### *Polu Ekele Ndi Ri Ichèn-ichèn*

<sup>1</sup> Nabanhan ni nwene-enyi-okpoho wu Fibi, hun wu onye ohu ime ndi-orun uka ri Senkre; o lala d'a hun onu.

<sup>2</sup> M si unu gi efan Di-nwonna-enyi nabanhan a k'o furu ni ndi nke Osolobue a nabanhan ihian. Yeni n'e eka owule o cho ni unu yen'e, makeni ya le enwen e e yepukani ndi bu oda eka, ke mme nwen.

<sup>3</sup> Kele ni Prisilia le Akwila, ndi mme le we gba a run orun Kraisti Jizosi.

<sup>4</sup> Oku m te k'e gbu we. Ele mme suor ri e kele we, ke ndi uka ile risonme ali ndi wuleni ndi Ju ri e kele we.

<sup>5</sup> Kelezi ni uka hun a no iwe we e zu. Kele ni ezi owu m wu Epenetos. Iya wu onye ibuzo kwerini Kraisti ime Azuun Eshia.

<sup>6</sup> Kele ni Meri, hun runkenme ni unu orun.

<sup>7</sup> Kele ni Andronikos le Junias, ndi Ju ibe m ke we wu, mme le we wi no unon-gan. We wu ndi w'a gbaye ime ndi-ozu pu-ichèn, uwe bu m uzò wuru ndi nke Kraisti.

<sup>8</sup> Kele ni Amplayatos, ezi nwene m ime Di-nwonna-enyi.

<sup>9</sup> Kele ni Obanos wu onye-orun ibe enyi ime orun Kraisti le ezi owu m wu Stakisi.

<sup>10</sup> Kele ni Apelesi, hun we e ku oku e ohunma ime Kraisti. Kele ni ezi-le-ulo Aristobulosi.

<sup>11</sup> Kele ni Herodionu, hun mme le iya wu onye ali ohu. Kele ni ndi hun kwerini Di-nwonna-enyi ime ezi-le-ulo Nasisosi.

<sup>12</sup> Kele ni Traifina le Traifosa, ikpoho ndi hu a runkenmeni Di-nwonna-enyi orun. Kele ni ezi owu m wu Pেসisi, hun runkenmeni Di-nwonna-enyi orun.

<sup>13</sup> Kele ni Rufosi, hun Di-nwonna-enyi hori, ya le nne e hun e me mme le enwen m ke nwa a ogen ile.

<sup>14</sup> Kele ni Asinkritosi le Flegonu le Hemisi le Patrobasi le Hemasị le umune ndi ozo ime Kraisti we ile ri ebegu.

<sup>15</sup> Kele ni Filologusu le Julia. Kele ni Neriusu le nwene-e-okpoho. Kele ni Olimpasị le ndi nke Osolobue ile hun we ile ri ebegu.

<sup>16</sup> Dide ni ibe unu ndide ri nsọ.

Ndi uka Kraisti ile e zi ekele.

### *Oku Ikpazuun*

<sup>17</sup> Umune m, dodo, o ri aka unu, kpachanpu ni enya make ndi e buhe nkebe, e me okukwe unu uke ebe we n'a kuzi ihien wulen ezioku ahun ndi kuzini unu kuzi unu. Gba ni ni we oso!

<sup>18</sup> Make ni ndi e me ihien ndini a ri e fe Nna enyi wu Kraisti; kanị we ri e fe efọ we le ihien a gunni we. W'e gi onu-oma le oku a suo usuo e dufie ndi marinleni ihien.

<sup>19</sup> Ihian ile a nuguọ ke unu don ri e hume isi. Ufiri e, efọ ri a suo m usuo banyeni unu. M cho ni onu a wu ndi marin ihien ebe ime ihien ri mma ri, unu a wu ndi marinleni ihien ebe ime eje-ihien ri.



20 O biekọ Osolobue hụn e ye udon a zokpukpo Ekwensu ye okpuru uku unu.

Efoma Di-nwonna-enyi wu Jizosi ya noyeni unu.

21 Timoti, hụn mme le ya wi a run orun e zi ekele unu, erira ke Lushosi donzi zi ekele unu. Jasiri le Sosipata, ndi Ju ibe m, e zizi ekele unu.

22 Mme wu Tetiosi, hụn de ekukwo-ozini gi efan Dinwonna-enyi e zi ekele unu.

23 Gayosi, hụn m ri iwe e, hụn uka no iwe e e zu, e zi ekele unu. Erastosi, hụn e donmeni obodoni egbo le nwenen enyi wu Kwotus' e zi ekele onu.

24 [Efoma Di-nwonna-enyi wu Jizos' Kraisti, ya noyeni onu ile. Isee.]

### *Ojja-mma Ya rini Osolobue!*

25 Ojja-mma ya rini Osolobue! Iya wu onye hụn k'a saeka gi ihien ri ime oziomani m ri e zi hụn we gi a masonme okwa banyeni Jesu Kristi, me unu zekenme. Oziomani le okwani ri e ku oku ihien-mini hụn te zueri edei.

26 Kani, e wepuhaguo w'a nwan ifon; we ri nwan e gi ihien ndi-amuma desonme ime Ehuhuo-nsọ e me ndi ali ile a marin a; Osolobue hụn ri ndun jenin ejen ya ye iwu si we me erira, keni ndi ani ile hụn uzọ kweri, gi okweri hu we kweri humen' e isi.

27 Eghee, ojja-mma ya rini Osolobue! Osolobue hụn ya suo marin ihien ile! Ya rin'a jenin ejen ghahani Jizos' Kraisti! Isee.

## **Elu Ọhụn: Ekwkwọ-Nsọ (Azụn Ọhụn rịn'a) Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

### **Copyright Information**

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

### **The New Testament**

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files dated 29 Jan 2022

31b0248e-272a-5dee-8226-bcc00c54d9b1